

第〇九一冊

方輿彙編

職方典

澤州部

遼州部

河南總部

開封府部

(卷)

三

三

三

三

古今圖書集成

中華書局影印

欽定古今圖書集成方輿彙編職方典

第三百五十七卷目錄

澤州部彙考一

澤州建置沿革考

澤州疆域考 有圖 形勝附

澤州星野考

澤州山川考

澤州城池考

職方典第三百五十七卷

澤州部彙考一

澤州建置沿革考

本州

通志

春秋屬晉戰國屬韓後屬趙秦置高都縣屬上

黨郡漢以高都注氏屬上黨漢澤端氏屬河東

郡後漢及魏皆因之晉改河東為平陽仍以漢

澤端氏屬慕容末分上黨置建興郡後魏末安

中罷郡置建州及高都長平安平秦寧四郡十

縣北齊亦為建州置長平高都二郡後周併為

高平郡隋初罷郡改建州為澤州治丹川縣大

業初罷州為長平郡唐初復改置建州又於高

平縣置蓋州尋廢建州徙蓋州治晉城縣又置

澤州治端氏縣貞觀初廢蓋州以澤州治晉城

天寶初改為高平郡乾元初復為澤州會昌初

屬河陽府宋屬河東道金屬平陽府元光二年

改為忠昌軍節度使元復為澤州屬平陽路尋

屬晉寧路明初以晉城縣併入洪武九年改屬

布政使司領縣四

皇清因之編戶舊一百七十三里今仍舊

高平縣

周戰國趙長平地漢置注氏縣屬上黨郡南北

朝魏改注氏移治高平城改高平縣屬高都郡

後周改郡曰高平隋復為注氏縣屬澤州唐於

縣置蓋州貞觀初州罷縣復屬澤州五代宋金

元俱仍舊明因之隸澤州

皇清因之編戶舊一百六十一里今一百里

陽城縣

漢河東郡漢澤縣晉屬平陽郡南北朝魏自故

城移今治隋屬長平郡唐初於此置澤州尋移

州治端氏縣天寶初改漢澤為陽城縣五代宋

金元皆仍舊明因之隸澤州

皇清因之編戶舊九十四里今四十九都里

陵川縣

漢注氏縣地隋析置陵川縣屬澤州因縣境陵

阜吳列故名唐屬蓋州貞觀中仍屬澤州五代

宋金元皆仍舊明因之隸澤州

皇清因之編戶舊九十三里今四十三里

沁水縣

漢舊縣屬河內郡南北朝魏於此置廣寧郡及

未安縣北齊郡廢改縣曰未寧隋初改為沁水

縣屬長平郡唐屬澤州五代宋仍舊金分沁水

端氏為二縣元省端氏入沁水明因之隸澤州

皇清因之編戶舊五十四里今二十八都里

澤州疆域圖



澤州疆域考

通志州縣志合

本州

東至河南輝縣早生村界二百四十里

西至翼城縣界二百二十里

南至河南河內縣界一百一十里

北至長子縣界一百三十五里

東南至河南輝縣下平村界二百三十里

東北至壺關接河南林縣界二百三十里

西南至垣曲縣鐘鼓山界一百九十里

西北至東烏嶺接翼城縣界二百二十里
東西廣五百里南北袤二百二十里自州治至
省城六百八十里北至

京師一千八百里

高平縣

東至陵川縣禮義村界四十五里

西至沁水縣老馬嶺界四十五里

南至澤州三家店界三十五里

北至長子縣張店界四十五里

東南至陵川峰頭界五十五里

東北至長治縣太乙村界四十五里

西南至澤州太陽鎮界四十里

西北至沁水縣秋峪嶺界五十五里

東西廣九十里南北袤八十里自縣治南至州
治九十里西北至省城五百八十里北至

京師一千七百一十里

陽城縣

東至澤州周村界四十里

西至沁水縣上沃村界六十里

南至濟源縣韓王頭界八十里

北至沁水縣郭壁鎮界四十里

東南至濟源縣寄子村界一百里

東北至武安村界三十五里

西南至垣曲縣鐘鼓山界一百里

西北至沁水縣夫妻嶺界六十里

東西廣一百一十里南北袤一百二十里自縣
治東至州治九十里東北至省城七百五十里

北至

京師一千五百里

陵川縣

東至河南輝縣早生村界一百二十里

西至高平縣東韓村界五十里

南至河南脩武縣聖仙樓界九十里

北至壺關縣馬安谿界三十里

東南至輝縣下平田村界一百一十里

東北至壺關接河南林縣界一百一十里

西南至澤州黨莊里界八十里

西北至長治縣西火鎮界四十里

東西廣一百七十里南北袤一百一十里自縣
治西南至州治一百二十三里北至省城七百

里至

京師四里

沁水縣

東至高平縣空倉山一百五十五里

西至翼城縣關子山界四十五里

南至陽城縣天峪溝界三十里

北至浮山縣賀家嶺界五十里

東南至澤州岳神山界一百六十里

東北至長子縣洪水村界一百里

西南至垣曲縣舜王坪界九十里

西北至東烏嶺接翼城縣界四十里

東西廣二百餘里南北袤六百餘里自縣治東
至州治二百里西至省城四里北至

京師四里

形勝附

本州

列子山北之塞出入之迂

山海經北次三經之首

說苑固塞險阻之地

唐書河東藩蔽

杜牧之澤潞頌肘京洛而履蒲津倚太原而跨

河朔

唐奏議全有太行之險固實為東洛之藩垣南

倚太行王屋西連砥柱析城羣峰周圍絕險千

里

宋史兩淮咽喉

程子太行千里片石

廣輿記山高澗深道路險阻

郝經集表裏河山之勝

舊郡志山川環抱

諸峰特起雄峙天下為太行總會

雉堞雲連北辰星拱屹然為冀以南一大都會

焉

高平縣

題名記秦晉晉晉齒河朔咽喉

方輿勝覽四面皆山中有平地

舊志左帶翠屏右阻倉嶺遊仙朝其南羊頭鎮

其後

陽城縣

舊志崦山聳後析城拱前沁水遶左壑山雄右
岡隴之勢四面渾成形勝之奇一方巨鎮

當太行之腹省會之南包鑄羣山襟帶衆水
土地硤礪坡崎嶇山谷深峻林菁叢茂
陵川縣

元好問集在太行之巔天壤間清涼境也
文翔鳳集俯視中州九千四百八十仞

舊志佛山之高黃河可蹠五度之險一夫可守
民安於中四塞爲固

介羣山之中山高水瘠通氣最遲
沁水縣

舊郡志山谷嶮阻溪壑清冽地僻巖深
舊志前歷山而後橫嶺左空倉而右鳥關環拱

有自然之固勝概爲天成之險
四面皆山沁流貫其中亦巖邑奇觀也

澤州星野考
州志

州屬總載

斗柄屬樞星

五星屬辰

十二支屬申

十二次屬實沈

二十八宿屬箕參

按參晉星也韓趙魏衛之界晉土也然亦大略
耳班固配十二次自胃七度中昂至畢十一度

爲大梁辰在酉趙之分野屬冀州自危十六度
中室壁至奎四度爲姬晉辰在亥衛之分野屬
井州陳卓京房張衡並云昂畢趙冀州營室東
壁衛并州故太原侯室壁上黨應侯昂畢唐一
行以山河兩戒二十八宿度數配地絡之南北
陰陽昂畢間爲天街陰國陽陽國元命苞曰
昂畢散爲冀州立爲趙國上黨趙之分地秦趙
遇於長平太白食昂未嘗食參古不以昂建上
黨上黨屬晉也晉初不封上黨晉參不臨上黨
非昂其孰主之高平爲上黨地長平之遺跡昭
然故高平當屬昂而畢在天街南陽國不占晉
觸距參一度爲虎首畫野在王屋以東王屋陽
城之屏虎有首有身不可以參先背觸故陽城
當屬背觸此可以斟酌澤郡之星次分合矣

澤州山川考
通志州志

本州

太行山 自州南六十里迤邐東北跨陵川壺

關潞城黎城遼州和順武鄉諸州縣外互三省

連綿極遠隨地異名析城王屋卽其支也潞安

府太行山卽此山

月院山 在城南六十里太行絕頂有潭深不

可測中挺峭峰數丈下臨天柱峰昔昭寺
香爐山 在城南三十里懸崖斷澗中峰突起

香爐名所由昉一在大陽鎮西山上有虎跑泉
匯爲南河之源
松林山 在城南九十里白龍觀音二洞腹背
分踞

硤石山 在城東南三十五里兩峰屹立如門
崖間篆刻硤石二大字旁建青蓮寺西有擲筆
臺山轉境異峭壁環松丹水湍奔下有嵌巖暴
雨驟發泉若雷鳴

丹山 在硤石之南又名角山上有款月臺絕
頂建眞武廟

石人山 在州南八十八里其山石狀類人故
名上有龍潭

蟠龍山 一在城東南九十里其剎爲淨影寺
一在城西北六十里其剎爲鳳林庵元泉寺

紫金山 在城東南九十里中有黃龍洞其正
東五十五里蓮花洞在焉

晉普山 在城西南三十五里山陰積雪入暑
不消下列九泉上建李衛公廟

佛頭山 與晉普山對峙

松嶺山 在晉普寺之次有松林寺
吳神山 在城西南六里廟祀吳泰伯仲雍故
名

玲瓏山 在城東七十里其風穴以大石覆之
或云却石則風從中出一名崆峒山

磨齒山 在州東二十五里或云磨兒山上有
媧皇廟

浮山 在州東南三十五里高入漢表若浮雲

天際故名形家謂爲天馬建伏義廟

黃沙山 在州西四十五里有仙掌跡北岳廟

岳神山 在州西四十里有天仙殿及仙洞

樂氏二仙廟

洞陽山 在州西四十二里廟祀天仙

可塞山 一在州西三十五里有乾明寺二在州東北三十里有龍王廟

五門山 在州西一十二里環列如城墻通行處凡五故曰五門也

莒山 在州城東北五十里廟祀蘭相如溪名

道泉

聖王山 在州西北四十里以湯王廟得名池曰顯化

伊侯山 在州西北二十里相傳成湯禱雨伊尹從之於此上建伊尹祠

梧山 在城西北六十五里相傳爲梧丘子棲隱所

碧落山 在州北十五里峰巒對峙蒼松掩映每陰雨雲臥其上又名臥雲山中建碧落寺有石佛峪故名

司馬山 在州北十里有晉司馬懿碑風土記云司馬山在晉城一名小祈山上建浮圖有成湯廟嘉澗池白馬寺昔司馬就司馬望皆守此故名又云晉代祠此因以爲名

寶山 在州西南五里山產鐵礦並炭故名上有寶山寺治家阿鑄鐵成器

方山 在州西四十里壁立如砥頂平如削北

岳廟踞其巔

玉仙山 在州西南三十里

桃固嶺 在州西二十里卽寨子嶺相傳舜耕於此

天池嶺 在州東三十七里壁立如城南北二門中可容千人昔嘗爲避兵地

黑石嶺 在州南八十里太行絕頂登其上中原在目矣

金剛嶺 在城西二里伏莽僻徑行人少至今成康莊

洞子岩 在州東十五里唐宋勝遊之地下臨聖字泓或云琵琶泓有琵琶寺黑龍洞

白石先生洞 在州西南三十里玉仙山碾子谷 在州城南二十里宋太宗遣石守信破李筠於此

仙人洞 在州南四十里入洞白石下垂如蓋西有天井甚深延而上又一洞內石牀雕像天成遊者燃炬以進

沙河 一在州東關一在州西關合入白水乾河 在州東南八里白水至此伏流故名唐書李德裕請令陳許過乾河立寨卽此

源漳水 在州東北三十里源出可塞山東流入丹水漢書地理志云高都縣有苑谷丹水所出東南入絕水卽此

白水 在州南一里許源出五龍池東入丹水小山泉水 在州西南三里一拳堵立泉自岩出淙淙流響

丹水 在郡東里許

馬牢川 在州南二十里五代時李謙闡城李筠擊處

五龍溪 在州東三十里上建五龍宮

龍潭峽 在州東南九十里五股泉匯流陡下爲潭周武帝時僧慧遠對龍門說法卽此地

龍門峽 在州東三十五里浮山在北磨山在南南山對峙如門丹河水口經流

天井溪 在州南四十五里天井關注合白水水經謂北流泉又云聖井關

黑龍潭 在州東北十里司馬山下傳開禱雨以石投之輒應

錦溪 在州西七里夾岸浴波屈曲爲溪春夏之交花藥掩映故曰錦溪

瀑水簾 在州南三十里掛瀉騰虛如簾一名水簾洞

洞靈泉 在州西南五里岩崖之趾孤津獨流好事者鑿石爲渠浮觴其上故亦曰流杯泉

嘉澗池 在州北一十里上建廟人有禱者以書紙投池誠則沉不誠則浮

溫水 一在州東南十里一在州東三十里郭壁山中

雙泉 在州東三十里泉水洶湧經暑不涸居民引以灌田又名瀑泉

高平縣

發鳩山 在縣北五十里爲丹水之源山海經云發鳩多怪木有鳥名精衛相傳炎帝少女游

此爲試讀，需要完整PDF請訪問：www.ertongbook.com

海溺死化為烏嘗取西山水石以壘東海入夕常聞風雨聲雖月夜亦然說者為炎帝女有遺恨云

羊頭山 在縣北四十里石狀如羊頭秀拔危峰勢凌霄漢上有炎帝廟傳聞神農嘗五穀於此野有黍以種地陰陽分黍色紅白古人因之以定律管茲山所產其一也

金門山 在縣北五里趙軍壘門其土赤色日照如金

傘蓋山 在縣北三十里遠望形如傘蓋

金峰山 在縣西郭外三里有靈岩寺先月亭為遊覽勝地

韓王山 在縣北十五里縣治之主山也其山特起上有平地數畝登臨俯瞰四面諸山如培塿然世傳秦圖韓王於此故名

七佛山 在縣東五里高出衆山左右環河上建七佛寺有石佛七唐僧所鑿其像奇古有神舍利山 在縣東北二十五里後唐釋大愚隱此

龍王山 在縣東北三十五里有石佛洞三教洞子孫洞龍王廟居其左寒泉漱石匯為溪流邑人作流觴亭於其上

翠屏山 在縣東北二十五里層峰秀石儼若畫屏

龍巖山 在縣東南二十五里一名招雲峰孤樹接雲競舉霞秀上有古刹怪松俗傳以為可望黃河

游仙山 在縣南十里山陽有慈教院李游仙通敏讀書處舊有鐘磬沒無跡可尋至今時游仙示以埋鐘之處啓而得之聲音弘朗聞輒數十里

懸壺山 在縣西南二十里有懸壺真人祠董峰山 在縣西四十里上建馬仙姑庵有石柳相傳為仙姑煉形之處

空倉山 在縣西南五十里秦白起詭運糧倉於此以給趙括新建巡檢司城

空箱山 在縣西四十里其形如箱故名

大糧山 在縣南十里趙將廉頗積米於此或云春秋米子國赤翟後故名今俗曰米山中多云谷雪積春深不融下有米山鎮

頭顱山 在縣西南五里秦白起坑趙降卒四十萬唐元宗收頭顱葬於此建骷髏廟有司春秋祀之

穀遠山 在縣東北二十里羊頭山之次山海經所謂丹林之水出於羊頭山穀遠縣是也出紅嘴稻

省冤谷 秦白起坑趙軍處舊名殺谷唐元宗幸潞州改今名

五音洞 在縣東北三十里舍利山開化寺後唐釋大愚審音處

風洞 在縣東南十五里一孔出風出入各三日信期不爽明弘治間知縣楊子器恐駭俗壅塞之今以神龍廟覆其上

丹河 在縣西北發鳩山之陽亦曰泚水東合

白水瀉於沁河水經注曰丹水出高都城東北

阜下俗謂之源源水山海經云沁水東有丹林

丹水出焉又東會絕水地志曰高都有苑谷

丹水所出東南入絕水是也絕水出泚氏西北

陽谷故地志曰楊谷絕水所出左倉長平水

出長平西北小山東南流經其縣故城泚氏之

長平亭也上黨記曰長平城在郡南山中丹水

出長平城北山南流此其大槩也

長河 在郡東北合丹水七佛山界其中河渠

渺遠環帶縈紆故有東西長河之別

原潔泉 在縣西南五十里原村即許河之源

也周圍四丈深一丈五尺泉原湧出色清味甘

冬溫夏涼東西分引溉田

淵靈泉 在七佛山左禱雨輒應宋賜號靈淵

有廟

玉女泉 在韓王山有祠土人遇旱禱雨於此

後鑿而飲之

金龍泉 在縣北二十里團池村即今之蓮花

池也舊傳有二魚時躍於泉遇雨即飛去疑龍

也

郭公堤 在縣城北元縣尹郭質築堤植柳以

障水患

陽城縣

底柱山 在縣東南五十里山有三峰中路孤

標矗立高大而秀其下惟土起峰處惟石若石

柱然上建玉皇廟覆以鐵瓦東峰華嶽觀西峰

青蘿宮西南三十里為析城五十里為王屋勢

相連互貫底柱析城至於王屋以經考之當是書注云陝州三門山有底柱石其形如柱似鑿後得名

新城山 在縣西南七十里晁氏曰草木分析曰析山峰四面如城水經注曰新城在濩澤南山高峻上平坦下有二泉東瀾西清亢旱不竭與濟瀆相通左右不生草木周原濯濯幅輳四十里禹貢至於太岳砥柱析城是也環崖林木叢茂小竹細箬被於山渚蒙籠簞竹相傳為成湯禱雨處宋建殷廟額題廣淵并析山神嘉澗公祠宇二百餘楹每歲數百里外咸虔禱以祈有年

王屋山 在縣東南百里以其形如王者屋故名道書云第一洞天小有清虛之天真誥曰王屋山仙之別天所謂陽臺也上有軒轅黃帝廟唐司馬承祜及烟蘿子修真於此東北有王母上下一洞按晁氏書注云在河東垣曲縣吳任臣云在河南濟源縣劉會孟云在山西澤州據金史地理志方輿勝略廣輿記俱載陽城境望游山 在縣東南四十里一名莽山今呼王莽山俗傳蕭王追王莽至此峰巒雄互盤礴峻秀北嶺曰北立門由此而下如入淵井行十餘里至山麓有紅峪水轉而上如登梯磴又十里許至嶺首曰南立門傍一峰壁立俗名繫馬椿有試劍山兩岩疎峙俗傳蕭王試劍劈開紅峪水出其中潺潺有聲沿河香磨數百一名梳洗樓俗傳為石丞相山高大聲拔山嶺如屏前有

一石遠望之如人戴幘頭拱立之狀又有三盤等山不能盡述

盤亭山 在縣西南八十里又名塔樓山列岫層峰亭亭環峙右為鐵盆嶂懸崖滴溜石泉一泓狀若仰盂不盈不涸前則千峰古刹後唐僧洪密卓錫於此

雲濛山 在縣西南九十里千峰寺南峭壁危岩林木密布有石龕鳥道可通

香臺山 在縣東南二十里以形似故名上有唐太宗廟

麻樓山 在縣南四十里有東西中三峰尖秀峭拔遠望形若筆架東西兩麻樓在桑林南相距四五里險峻可守避兵者多築砦其上

嶠嶠山 在縣西三十里有濩澤縣故址通典曰嶠嶠山在濩澤縣通考云在陽城水經注曰澤水歷嶠嶠山與黑嶺水合

臥虎山 在縣西四十里形如臥虎山陰之麓寺曰靈泉松柏蒼翠鬱鬱山谷有萬松亭故址後唐僧洪密奉勅建

通靈山 在縣西北五十里一名靈通山下有黑龍廟半山風洞常以石掩其口少隙則颼發甚厲蓋風隧也

白岩山 在縣北三十里邑負展也其形正方中有利名曰龍岩嶺整間斜通一石梁平廣三十畝復倚大岩壁立數十仞中處可以避兵更上乃窮岩極遠望析城底柱莽樊諸山環列拱拱左崦上更左方山石梁東南彈基石下泉不

盈尺洩之足灌圃味甘冽如惠泉昔楊貞肅繼宗讀書其中傳有虎異邑名卿鉅儒多潛修於此剎東小石龕明太保白所知題曰白兔聽經處

畫山 在縣西北三十五里形如一畫望者謂長虹亘天畫然下垂前為管匠山蓋邑之龍脉也舊志云清澗水自表山而來疑即此

崦山 在縣北三十里方山之右聳拔奇峭環崖松柏蔽日參天危樓隱映其上建白龍神祠宋封顯聖王前有龍湫亢旱不涸邑民咸祈禱於此

方山 在縣東北三十里形若憑几

小崦山 在縣東南二里形類崦山甘泉盈溢松柏鬱鬱懸崖峭壁下臨大河亦有白龍神祠在焉

虎谷 在縣東三十五里屯城泊園外東山松柏蒼翠溪澗曲折秋冬之際紅葉彌漫山谷尤為奇勝溪盡處疊小橋橋北懸崖建閣顏曰苗閣狀若飛樓蓋觀山太宰幽居也

仙人洞 在縣西南五十里臨澗村相傳仙人修煉於此一名修真深數里橫地蜿蜒如龍形頭角鱗甲畢肖岩水滴如簪溜立見堅凝久成冰筋形色瑩如雪石髓淅淅融結物態雲氣龍文鳥獸草木為狀不一中多白蟻蝟古人云食之成仙窮其奧玲瓏若太湖石水聲風聲如琴瑟諸竅響答有石柱石牀石枕石鐘石磨磬丹竈不存而石室如故

石塘洞 在縣東南四十五里陽阿水入沁之傍洞懸山坳嵐氣蒸滴淋漓甘冽石屋灣環雲霞深鎖宛爲仙境

羊腸坂 在縣東六十里

澤河 在縣南郭外水經注曰水際故城東又合清源水自表山而來入於澤水逕城南折而東由石門而下入於沁水經注曰沁水又南與

渡澤水合 在大河 在縣南四十里源出析城東流入沁河沁河 山海經云謁戾之山沁水出焉水經注曰沁水即洎水也出穀遠縣羊頭山世靡谷三源奇注逕瀉一隄今沁源縣是也由沁水縣郭壁鎮入縣東北屯城里經潤城沁渡逕邈而南渡澤水入焉又東南流逕午壁亭至公娥澗出山口即枋口也建瓴下注至懷潭會丹水入黃河春冬以橋夏秋以舟商賈鱗次前渡後呼絡繹不絕

西河 源自畫山經縣西南上王曲李丘遶縣西南入於澤河 蘆河 古陽泉水也水經注曰陽泉水口出鹿臺山山上有水淵而不流蓋自沁水縣樓子坡經縣西北芹池劉村蒿谷美泉孔寨東至河頭入於沁可引灌田

桑林河 在縣南四十里又名大河源出麻樓諸山歷西冶合龍洞川水東北入於沁以地近桑林故名河旁有成湯廟廟前滿水澄泓不竭遇旱禱雨多應

盤亭山 在縣西南八十里源出析城山麓會諸澗水注於西南兩岸石田可資灌溉逸王屋迅流而下瀑布垂巖懸河注壑比入濟源境則水利興焉

棲龍潭 陽河水入沁之盡境也水自章訓里經治內數十里至此兩山峽峙一綫纔通石磴懸陡建瓴乃與沁合水經注云浚波激石環濤穀轉者是也其側爲潭深容齋淪眞龍窟也禱雨者填石無算傳與濟濱通上有羊腸坂黑龍廟在其南

百眼泉 在縣東三十里沁水之濱有泉百眼沸湧跳珠濺沫匯流於沁

龍池 龍窠 俱在析城山中 陵川縣 棲鳳山 在縣西南四里其東有水泉遶流山麓回轉百步餘伏流土中上有感應亭

靈泉山 在縣西南十里有靈泉 聖宮山 在縣北二十里水由西南合丹河曰蒲水 佛子山 在縣東四十里太行之絕頂黃河蒼茫目睫可望上有靈雲寺一名佛山

古賢山 在縣東七十里昔有賢人隱此故名 隋僧雲如卓錫處 孤園山 在縣東七十里四面山麓至此皆爲絕壁周圍環合宛若石城中突湧一峰翠插天際惟飛鳥可至其上水色山光互相噴薄有非畫工所能摹者

錦屏山 在縣南二十里山多芍藥列嶺如屏色具諸彩每朝旭映之若霞飛天半宋元豐間有都君錫隱於此

馬武山 在縣東五十里漢馬武築砦屯兵山陰積雪經暑不消登之者厚其衣

孤峰山 在縣東南一百里孤峰特起故名

熊耳山 在縣東北四十里雙峰對峙峭拔天表若熊耳然故名月如峽中此出

寶應山 在縣西北四十里一本云在東北四十里又名臥雲山疊嶂層巒時有雲棲其上岩半有寺並古洞世傳有僧創寺凡所需取自洞中工竣僧退入洞內擁大石閉口故名又傳爲秦始皇築寨處故亦稱秦嶺

狀元峰 在縣東南兩峰競峙峭削如青萍已舉廷對第一有武明甫三叔姓趙安時兄弟崔有孚李俊民七人知縣楊建七狀元祠於東川俗呼此名 九仙臺 在縣西南六十里古賢山周圍相距三里高千仞三面泉流昔九仙會此

西溪 在縣西南四里許發源鳳山之麓其地陽煦得春最早松柏參天杏花掩映遊人憩集之地 瀑水簾 在邑東一百里水自懸崖瀉下濺爲飛煙輕濤如掛素練驟視之不知其爲水也 蒲水 在縣北三十里發源於聖宮山西入丹河 浙水 在縣東北四十里東流經靈關界入林

縣注於滄陽一本作浙水

平田水 在縣東南九十里南流於衛河地多

松柏居人借之作香磨以利其生

落鴈池 在郝經故第傍有池經使宋不屈繫

詩鴈足落於汴金明池鄉人擬此池為落鴈池

以志景慕明知縣孫磐立亭

沁水縣

碧峰山 在縣北三里高峰峭壁陡峻崔嵬翠

柏蒼松蒼鬱森秀上有寺因山名碧峰寺內有

千佛閣寺東有五龍廟廟內有泉深可尺許旱

澇常盈少汚觸則涸禱禳立應相傳飲之却病

延年名曰靈泉故寺亦名靈泉云寺東崖畔有

桐樹一株鼓掌輒有應聲俗呼為驚雞樹

石樓山 在縣南二里峻嶒翠嶽狀若樓臺故

名有濯纓泉半山有石樓後廢因修佛殿名石

樓寺頂有大樹數株左有三教堂右有白衣堂

元時主簿李簪聘絳州名士立社其上

偃月山 在縣東北三十里又名車轆山

崑山 在縣東九十里古端氏城東一名隗山

形勢峻炭連綿不斷有浮圖遠望如筆上建五

龍祠崑山寺

鹿臺山 在縣西南二十五里高聳峻絕巖岫

陰森雖夏月猶有積雪水經注云澤水又東得

陽泉水口出鹿臺山山上有水淵而不流山海

經謂此山有鳥狀如雄雞人面名曰鳧鵝山頂

泉映玉飛閣凭空蓋邑之最勝處也上有大雲

寺佛殿前有白松三株圍一丈五尺高數丈相

傳秦漢間物也每至月出綠蔭蕭森今三松已

損其一中有三老堂

筆山 在縣東八十里槁山之次一峰傑立如

脫穎又名孤山

三尖山 在縣東北三十里三峰並峙

歷山 在縣西九十里即舜耕處上有舜廟廟

旁有瀉酒二泉其北有大洪池小洪池山海經

謂其木多槐其陽多玉此地深山窮谷林木菁

叢民居鮮少

紫金山 在縣東北六十里

岳神山 在縣東一百二十里有古松勒石曰

肫陽一名洞陽山山高十餘里峻嶒巍峻亦沁

水東南之巨瞻也上有大岳神廟下為湘峪村

按岳神在賈封者為西岳神又為小岳神在湘

峪者為東岳神又為大岳神

樊山 去城一百二十五里山前有老母庵山

後即可樂山泉上刻雲波二字

東島嶺 在縣西北四十里地里志名黑嶺因

避宇文諱故易今名與西島嶺兩山對峙西島

嶺為翼城縣地舊制穆天子傳云鈺鏗即此二

山周穆王乘八駿遊天下所歷處唐武宗三年

石信諭島嶺破五寨斬獲數千即此嶺也嶺上

四時常有雲氣其地為河東通衢設巡檢司署

此力窮而斃故名嶺上高峰兀出是為尖山山

東數十里紫沙門

沁河 在縣東五十里源出沁源縣綿山經岳

陽縣東而來自大將村入沁水縣界西南流五

十餘里而至鄭莊村又東南流五十里而至端

氏又南流二十餘里而至武安人陽城界西南

流百五十里而至河南濟源境復轉而東經河

內武陟入黃河

蘆河 在縣西南十里源出鹿臺山經陽入沁

梅溪 在縣西北三十五里梅谷經陽城北曲

折南流與杏溪合至鄭莊村入河

杏谷水 在縣東杏谷中亦名杏溪

龍潭 在縣西北二十里

州志未載山川

高平縣

仙公山 在縣北三十里世傳明嘉靖初仙人

張果老曾過此故名

鳳頭山 在縣西北四十五里即發鳩山之巔

形如鳳頭屹立乾地遙望縣城里人建真武廟

以障縣治之缺

牛心山 在縣北出石溫潤有文可硯

石室山 在縣北三十里土人作石室於此日

將旦山麓常有五色雲霞及晡時始散相傳有

寶氣

釜山 在縣北三十里形如覆釜建倉頡廟於

上
吾山 在縣西南四十五里與澤州接界三峰

聳翠夕照倍佳

浩山 在縣西四十里有石朵山其峰如花朵

臥佛山 在縣西南三十里馬村鎮山凹有望

月亭近因開窖取煤前後崩圯

五龍山 在縣西二十里相傳慕容末時有五

色雲見於此故名

蓮花山 在縣東北一十里有石如蓮花介於

迴峰曲嶂之間

營防嶺 在縣東十里世傳廉頗屯軍之所背

峰面澤有險可馮去嶺百步許有古戰場荒草

平沙水聲嗚咽過者慘焉

丹朱嶺 在縣北四十五里長子縣界以堯封

長子丹朱得名

好畛嶺 在縣東十里此嶺舊生好畛蟲居民

厭之建好畛廟今廢時遇旱蝗猶祭於此

走馬嶺 去縣十五里出鉄礦

黑龍洞 在耶公山下深數百步人不取入洞

中有泉冷侵人骨旱則居民禱雨於此

泉谷 在縣西南三十里許石壁嶙峋下有清

泉涓涓流出曲徑幽巖之內有古柳數株狀甚

怪異司馬李公嘗畱田其地曰此必胥子退居

棲隱之所與墨霞樓友把臂入林者也

浮雲河 在縣城北宋祥符元年龍見光燭四

野河因以名金皇統二年龍復見

橫澗河 在縣南五里澗有石橋

許河 在縣南二十里合縣西南之水經許莊

流入丹河

舍利泉 在開化寺一泓澄然汲之不涸

天王池 在縣治集賢橋西水族不生即投入

亦斃俗傳有天神在故爾靈異

濟瀆池 在縣西六里骷髏村濟瀆本在懷慶

鄉民傳會以爲濟瀆神行宮每歲三月十八日

瞻禮如濟源

五龍池 在縣西二十里楊村五龍山下

鴉兒溝 在丹朱嶺南宋慶元間老人張勝者

多善行家溝之南麓每日夕羣鴉集屋驅之不

去子孫繁衍因名其溝

陽城縣

小寨山 在縣東南五十里勢極高聳沁水東

繞有鳥道僅可容步避兵者多居之元武廟在

焉

峰山 在縣南四十五里孤峰高峻故名

太行山 在縣東南與析城王屋諸山相連山

海經北次三經之首曰太行之山郭璞注曰在

今河南縣西北即治所轄地列子作大形河圖

括地象云太行天下之脊博物志曰太行山北

不知山所限極朱子曰太行自崑崙北支西南

行歷并冀三晉抵河東丹鉛錄曰太行山一名

五行山一統志云山勢綿亘數千里因地立

名總皆太行

萬戶山 在縣西北五十里巍峨尊重登其巔

舊治及附近村落一覽無遺山名以此

可樂山 在縣東三十五里層巒曲磴蒼秀聳

出上有瀑布二徑數圍高可數十丈山腰有龕

閣丈許坐其下瀑布挂前如簾松石之勝他山

無比有疎庵王太宰園故址存焉

史山 在縣北三十里產鐵礦其西五里有金

裏谷

孤山 在縣東南八十里環萬山中孤峰突兀

旁有聚落爲皂軍口要衝

千峰嶺 在縣西南四十里析城之西石壁懸

崖下瞰溪水仄徑纔通諸峰環列

隱谷 在縣東南六十里岩谷盤空林影翳

雅鳥道可通俯視其下危崖千仞蓋高士遁跡

之奧區也旁有梵洞窈窕幽邃

龍洞 一在析城山巔東岩石洞深不可測水

流潺潺有聲俗傳有龍在中一在縣東南六十

里山甚高下有石崖名龍崖崖半有石洞可梯

而上中廣方丈燃炬行里許有潭深不可測旁

有石佛三座洞盡處有少孔其風撲面人莫敢

近

蒸餅洞 在麻樓山南石壁百餘丈梯繩而上

中長二百餘步昔人作板橋三十間今皆圯廢

後有一泉可食數百人

九女臺 在縣東南四十里沁河中流屹然獨

峙駕濤駭浪響若轟雷上有九天仙女祠

清涼龕 在縣東二里許驚峰之北磴道盤紆

崖巔石室約丈餘舊有風隧回岸上人棄官卓

錫於此構亭三楹環植花木一泉甚甘冽泉下

建準提閣閣下小橋導水潺湲可聽洵近郭勝

境

黑龍洞 在縣南六十里西南深淵中林木環密風起浪生過者森聳有黑龍廟在其傍

青蘿河 在縣東南九十里源出底柱山西連漪澄潔綠溪環轉由王屋山下入濟源地唐岑參讀書青蘿齋即此

沅水 山海經作潯水發源水經注曰水出河東王屋山禹貢導沅水東流為濟孔安國曰發源為沅既東為濟

渡澤 在縣西十里嶠嶢山下水經注曰渡澤水出澤城白澗嶺下墨子曰舜漁於渡澤穆天子傳天子四日休于渡澤竹書紀年梁惠成王十九年晉取元武渡澤者也

玉泉 有二俱甃石為池澄澈可鑑甘冽無比一在東關青陽坊街北元主簿丞相脫脫子禿必亥上建清風亭一在西關同園北土人名西大泉豎石曰湛水

陵川縣 黃沙山 在縣北十里一名天一又名太乙為邑王山

菊嶽山 在縣東南五里許多產菊又名漳門山捍水口上有龍王祠

東海神山 在縣東十一里

花瓶山 在縣東五十里

龍門山 在邑西南里許西山橫亘缺豁如門近晚獨此處餘光返照為邑奇觀

嵩山 在縣東北三十里

六泉山 在縣東北四十里上有六泉山牛水

自洞中流出

天柱山 在縣東八十里山形挺立如柱板山 在縣東五十里其形方峭故名

魯山 在縣西十五里松峰蔚然

鳳凰山 在縣西六十里山形如門

馬鞍山 在縣西南四十里

箕子山 在縣東二十里西南山麓石上有足跡故老相傳箕子曾憩此易履故名

鳳凰山 在縣西南七十里形類故名

黃圃洞 在縣東南五十里孤峰插天登之可望黃河有洞深遂莫測或云達壺關之柴園洞中有石乳滴為塔影池水清冽遇旱禱之即雨

一斗水 在縣東九十里山石上所鍾用之旋滿不用亦不溢可容斗許故名

雙泉 在縣西南四十里二井相去三步一甘一苦

義井 在縣西二十里味甘居人取之以所到先後為次

甘泉 在寶應山味甘如飴

清涼泉 在縣西南六十里

沁水縣

鳳凰山 一在縣東北十五里一在縣東七十里山勢騰翔宛然飛鳳之形故名其頸處斬絕二十餘步俗傳秦始皇時斬斷風水以壓王氣云

大尖山 在縣東北二十里其東數里一岡橫互餘延不絕北跨岳陽浮山二縣長五十餘里

名曰橫嶺

峰岳山 在縣東四十里上有峰岳寺

阜山 在縣西四十里隨書曰輔山

御屏山 在縣西南二里與學宮相對形若屏風故名蓋靈秀所鍾也

仙翁山 在縣東六十里上有仙翁廟高壓羣岫為四方所瞻自此而東南高峰突起是為山總四

熊耳山 在縣東六十里由佛廟嶺而東兩山並峙高插雲霄其東一山有白雲寺

金山 在縣東九十里

臥牛山 在縣東百里一名大嶺橫亘十餘里豐隆隱厚狀若牛眠故名上有西子梳洗臺東北為欄杆嶺又東下陡起一峰名曰散石臺

字峻山 在縣東北一百里隨書曰巨峻山

西岳神山 在縣東一百一十里其下有賈封鎮

吳山 在縣東一百四十里山半有賈寨迤邐至西北為蟠桃嶺

空倉嶺 在縣東一百五十里與高平為界山嶺高峻夕陽留照更有可觀

老馬嶺 在縣東一百五十里商旅通衢山岩寫壁上設防兵

鵬黃嶺 在縣東一百六十里與長子縣接界搜神記云崔府君為長子鵬黃嶺有虎食人府君移牒捕之而虎自來伏罪即此地也

秋峪嶺 在縣東一百七十里與高平縣接界

天子嶺 在縣西三十里保義村世傳漢光武討銅馬賊曾經此

林村嶺 在縣東六十里

三皇嶺 在縣東五十里上有三皇廟

玉嶺 在縣西五里自東烏嶺東南而下起伏蜿蜒有龍蟠鳳舞之勢至此突起雄峰峙立俯視羣樹蓋邑之主山也上有玉皇廟故名玉嶺

廟西有洞曰龍池遇旱祈禱輒應

佛廟嶺 在縣東六十里上有佛廟

龍岡 在縣東二里頂上建塔以補風氣

鳳原岡 在縣西半里自玉嶺逶迤而下至此平岡漫衍又各平原嶺縣治居其麓兩水合抱諸峰環拱而風氣於斯萃矣

文筆峰 在臥牛山正東若斷若續尖峰似筆又名華蓋

黃土洞 在歷山西洞極幽峻攀援而上中有丹竈石牀世傳有真人修煉其中

南陽仙洞 在南陽村南山名仙人碣洞口有天鵝迴開石蓮倒垂稍進數步石雲層湧連互上下蒼白鮮然再百步許洞益高廣五六丈闊半之有石牀石竈石龍石獅石象又里許有蓮臺石佛石鼓石鐘各一擊之聲音洪亮聞於洞外洞後有竇亦可容人行但近聽之則覺風濤怒吼不敢復入矣洞口爲土所掩明隆慶間始開

海子河 源出秋峪嶺西南流至端氏入沁河

玉溪河 源出空倉嶺西北流五十里至金峰

東與海子河合流

梅河 源出東烏嶺東流三十餘里與梅峪溝水合故名又東流至縣東南與杏水合至河頭五十里入沁河

馬跑泉 在漢封村南石崖上相傳漢世祖爲蕭王時巡行馬渴跑地得泉故名

澤州城池考

本州

州城池 唐貞觀初築明洪武間千戶吳材修十四年張規碑堦弘治正德間知州吳必顯趙錦相繼修葺周九里三十步高三丈五尺池深二丈東西南三門隆慶四年知州顧顯仁增築敵臺二十三北城樓一重修角樓四東西南城樓各二萬曆三十三年知州賀盛瑞崇禎十二年知州張天維相繼重修

皇清康熙年間知州景文魁重修己亥地震樓堦圯燬康熙四十四年知州陶自悅重修

外縣

高平縣城池 宋開寶六年知縣楊咸弼築金天慶間知縣王廷直增築周圍四里高二丈五尺池深一丈西南二門明弘治七年知縣楊子器重修嘉靖十九年知縣劉大賁增角樓四敵臺四十隆慶間署印府同知靖四方增高五尺知縣李植重修城門及樓萬曆間冀南道楊應

中題請內外碑堦知縣馬從龍王省身相繼竣工增築甕城三十九年知縣許安遇剏建西南兩關閣門崇禎四年知縣魯光國增修三門弔橋濬濠

皇清順治十三年知縣范承祖補修城垣康熙四十四年知縣梅建重修女垣并濬濠

陽城縣城池 後魏興安二年築周三里一百八十步高三丈闊一丈有奇池深一丈五尺東西南三門明景泰間知縣劉以文於東西南門建樓南則建房並敵臺九座嘉靖十九年知縣楊登易以碑堦萬曆五年王太宰國光啓當事各加贖銀協濟知縣張應詔伐石爲基開碑堦垣增敵樓十座東北建樓崇禎五年知縣楊鎮原於城西北建樓東西門各增甕城碑堦十年知縣楊定榮於城北建樓城西北來脈居民取土漸致陟割

皇清順治十六年知縣陳國珍修補刻石垂戒

陵川縣城池 隋大業間築周二里二百三十三步高二丈三尺池深五尺東南北三門明嘉靖十二年知縣李騏重修堦以磚石增高三丈五尺二十二年縣丞馬忠臣增修知縣劉廷儀建城門樓三座隆慶二年知縣馬忠孝增修萬曆四年知縣劉汝江碑堦南城內面十一年知縣宋承規通碑堦環城內面十七年知縣完東氣重修東門北門四十二年知縣段實重修南門

沁水縣城池 隋開皇間築周一里一百步高

二丈二尺池深一丈東西北三門明洪武間縣
丞陳德正統間知縣賈茂景泰間知縣張昇正
德間知縣王濤俱相繼重修嘉靖間知縣張爵
增修磚堞城東臨河常患衝塌伐石爲堤患始
息萬曆間知縣扈文魁重修崇禎間流寇攻毀
署印州同張大爲重修

皇清順治間知縣劉昌重修知縣尚金章同縣丞張
宗周重修護城堤康熙甲戌河水浸城乙亥地
震城堞傾圯兩次修葺

欽定古今圖書集成方輿彙編職方典

第三百五十八卷目錄

澤州部彙考二

澤州關梁考

澤州封建考

澤州公署考

澤州學校考

職方典第三百五十八卷

澤州部彙考二

澤州關梁考

本州

州志

天井關 在城南四十五里太行絕頂即孔子

回轍處長短策云桀居天井漢梁王守此章帝

亦嘗過焉酈道元蔡邕俱稱關在太行

橫望隘 在城南八十里太行絕頂即狄梁公

望雲思親處洪武二年置巡檢司南距碗子城

一十里

柳樹隘 去城八十里路通懷慶清化鎮

晉南第一橋 在郡南關跨白水

景德橋 在郡西關溝澗一名沁陽橋金大定

間知州黃仲宣建

雙橋 在郡北一十五里雙溝上

景忠橋 在郡東關溝澗上元至正間建又名

永濟橋

七嶺橋 在州東十里溝澗上明成化六年知

州陳登重建

通濟橋 在郡西北大陽鎮

長橋 在郡西周村鎮

常澗橋 在郡東三里

通懷橋 在郡南小箕村

雙李橋 在郡東北巴公南

高平縣

長平關 在縣西北四十里即丹朱嶺長子縣

界

渡水橋 在西關明知縣李楨建有碑記

永濟橋 在換馬鎮弘治四年建

崇正橋 在唐莊梨園之交明知縣許安國請

建知縣洪聲遠任大僚相繼告成

橫澗橋 在縣南三里傳聞楊道人建望如垂

虹橋北路頗陡險南淮監院張翮甃石成路進

士麗大樸有記

陽城縣

通濟石橋 在東關宣德十年知縣劉綱建

西關石橋 在總鋪東

吉莊石橋 在水磨頭東州人白所蘊建

通驛石橋 在下孔村東

觀音石橋 在柵村東

土橋 一在王曲村東一在澤城村北

澗城津

沁渡津

王村津

各官船一隻春冬以橋

五度關 在縣城南八十里

通文橋 在東南隅城牆有通文門其跡尚在

東南城角外金時孔廟在故名

獅頭橋 在縣東三里

蒲水橋 在縣北二十里蒲水村

水利橋 在縣西十五里魯山村邑人曹廷庚

兄弟建

沁水縣

烏嶺關 在縣正北三十里

曲堤渡

鄭莊渡

武安渡

州志未載橋梁

高平縣

集賢橋 在縣治前順治十一年封翁張鑒議

起傾圯知縣范繩祖捐銀修建有記

范公橋 順治十五年知縣范繩祖創建橋北

又修石路直抵南關民甚利賴之

老金橋 在縣南十五里喬村驛驛丞金姓建

通濟橋 在縣南二十里邑民許朝家建

浮雲橋 按一統志今改名迎恩橋在東關每

夏月河水暴漲行旅不通萬曆三十八年知縣

許安遇申請創建知縣洪聲遠任大遼韋炳相

繼修建三就而三圯水患不息

許河橋 按通志在高平南二十五里許河上

澤州封建考

州志

周

原伯紂 文王第十六子武王十三年封初為公尋為伯傳魯至貫襄王三年晉侯圖原降遷翼

翼

晉靖公俱酒 武公之後趙魏韓分晉地廢為家人食以端氏一城

漢

陽陵侯傳寬 以舍人從起橫陽至霸上為騎將入定三秦屬淮陰定齊丞相侯二千五百戶

陽阿侯下訴 高帝七年封

陽阿侯其石 以中謁者從入漢以郎中騎從定諸侯文帝十年封子安國嗣傳午午傳章章

傳仁元封元年罪免

鄔侯駟鈞 齊王舅文帝元年封

高平侯劉喜 景帝孫中山靖王子武帝元朔四年封元鼎五年坐酎金免

長平侯衛青 以將軍擊匈奴取朔方武帝元朔二年封

高平侯魏相 地節三年以丞相封

刊侯李壽 以新安令史得衛太子侯一百五十戶

陽城侯劉田 頃王子元康四年封子賢嗣傳

說說傳報

陽城侯劉德 宣帝時以宗正關內制行謹重為宗室率于安民嗣以戶五百贖弟更生罪傳

慶忌佩王莽敗

陽城侯田延年 宣帝時以大司空與定策功封

高平侯王遂時 元帝時封子置嗣

長平侯彭宣 以大司空侯二千七百戶節侯聖嗣傳豐王莽敗絕

長平侯劉隆 初封樂鄉侯從馬援擊交趾別于禁溪口破之獲其帥徵貳更封大國為長平侯子安嗣

侯子安嗣

汝鄉侯樊尋 重兄子建武五年封

汝鄉侯鄧鯉 明帝時以楚獄引陷侍御史

白出之 端氏侯劉遵 初封成武侯坐與諸王交通降侯端氏子弁嗣

汝鄉侯萬普 修子初襲封槐里侯徙封汝氏

侯

魏 高平侯曹幹 太祖子初封趙王建安二十年

封

長平侯曹休 太祖族子以征伐功增封二千五百戶子肇嗣肇弟纂文帝分三百戶封為列侯

高平侯諸葛誕 明帝時以御史中丞討吳功

封

晉

安平王司馬宇 宣帝弟泰始元年封孫降嗣

高平侯都鑒 以預討王敦功封諡文成子愔嗣傳趙

長平伯褚翼 太傅哀從兄以拒蘇峻封諡穆子希嗣

後魏

永寧侯鄭範 大武時以舊勳封子道元嗣

高平王琚 高祖時豫州刺史子蓋嗣

建寧王元崇 以撫軍大將軍封

建興公古彌 永安侯宣穆 皇后兄從道武平中原賜爵公

後封侯

長平侯晁暉 高祖時以給事中賜爵子林嗣

傳清

安平男斛律金 高祖初為汾州大都督後為四川刺史以功封

高平男韋閻 大武時以功賜爵子範嗣傳燦

安平公崔說 西魏時以戰功封子弘度嗣

長平男張熠 隨長孫稚西征轉平西將軍以功封

北齊

封

永安王高談 高祖第三子東魏元象中封郡公天保元年進爵

廣寧公劉弘 廣寧公高孝行 襄王子

高平王高仁英 武成王第六子以定州刺史

隋 高都公李子雄 隋初以戰功封傳公挺

永寧公楊文思 仕周為車騎大將軍治冀州

事以勳封

高都侯楊尚希 文帝受禪進爵公歷禮兵兩

部尚書諡平博子旻嗣後封丹水縣公

唐

末安王孝基 高祖從弟隋末封蜀郡公武德

元年改封姪道嗣封高平王

韓王元嘉 高祖第十一子始封宋改封徐爲

潞州刺史貞觀初更封武后時與子譔匡復不

克神龍初追復爵土其子譔訓誼謹皆有爵訥

嗣

澤王元曉 高祖二十子貞觀中爲虢州刺

史初封密實封千戶徙澤諡貞子頴嗣爲南安

王

澤王上金 高宗第三子始王杞文明七年徙

王畢又徙王澤歷五州刺史後武承嗣誣繫獄

自殺神龍初復爵子義珣嗣

建寧王倓 肅宗子有材略善騎射中興有功

爲張良娣譖殺諡承天皇帝

長平王叔良 郇王偉子以擊突厥中流矢道

斃諡肅子孝協嗣王范陽弟孝斌生思訓中宗

封隴西公善畫世稱李將軍山水

元

高平郡公鄭甫 潞國公鼎之弟

澤國公鄭制宜 鼎之子

陵川男李順 以晉寧路同知知河中府事飛

騎尉封

宣寧王朱遜炁 代簡王第七子天順四年自

大同徙封傳仕羣成鈞聰獻俊相克燦

陽川王朱遜燦 代簡王第十子天順五年自

大同徙封傳仕遂成鈞聰羨俊相

州志未載封建

元

潞國公鄭鼎

榮陽郡公鄭鈞

陽城縣男尹 以上俱按陽城縣志

漢

沁水公主 明帝女適鄧乾

後魏

永安縣侯劉羅臣 以勳戚賜爵永安公子之

裔

唐

廣寧公主 元宗女適程昌

永安公主 憲宗女入道不嫁

明

沁水王 潘簡王第六子府在潞安係名沁水

不之國 以上俱按沁水縣志

澤州公署考

本州

州治 在城內正北元至正五年建明洪武二

年知州李祥重建成化間知州陳奎重修商文

毅輅有記嘉靖間知州張文質陸偉崔哲王楊

朱舜民相繼修葺

皇清康熙年間知州王國輔重修大堂知州張維垣

重修東西六房知州倫可大重修譙樓

大堂 戒石亭 東西六房 儀門 大門

同知廳 在大堂東

州判廳 在大堂西今裁廢

吏目廳 在儀門內東

土地祠 在儀門外東

關帝廟 在儀門外東

寅賓館 在儀門外東

譙樓

旌善亭 在儀門外東南今廢

申明亭 在儀門外西南今廢

察院 在州治西今廢

理刑公署 在察院南今廢

布政分司 在察院西今廢

按察司 在州治東今爲考院東西號舍各十

五間

醫學 在察院東南

陰陽學 在醫學北

僧道司 在青蓮寺

道正司 在城隍廟

惠民局 在大街西今廢

稅課司 在南門內

獄 在儀門外西南

庫 在大堂西

陳因倉 在大堂西

廣豐倉 在中和坊

社倉 凡二十所隆慶間知州顧顯仁增十五所在周村星輅七嶺鎮犁川府城葦町史村四義等處今廢

巴公鎮公館 距州城北四十里

周村鎮公館 距州城西四十里

星輅驛公館 距州城六十里

養濟院 在州城西南

漏澤園 在州城南

州志未載公署

橫望鎮巡檢司 在城南八十里

柳樹店巡檢司 在城東南八十里俱按山西通志云

高平縣

縣治 在城內北宋開寶六年知縣楊咸弼建

明洪武三年縣丞潘珪永樂八年知縣李規嘉

靖間知縣王準劉大實三十年知縣衛東吳二

十七年知縣傅思明萬曆間知縣張居仁劉應

詔相繼修葺天啓二年知縣田景新三年知縣

喬淳崇禎四年知縣魯光國相繼增修

皇清順治十一年知縣范繩祖衙署後增築土山康熙十一年知縣白良玉重修縣治內宅譙樓兩

司較舊制益廓

大堂 按縣志曰牧愛堂

戒石亭 東西六房 儀門 大門

縣丞廳 在大堂東按縣志曰贊政廳

典史廳 在儀門內東

土地祠 在儀門外東

寅賓館 在儀門外東

譙樓

旌善亭 在譙樓東

申明亭 在譙樓西

察院 在縣治東按縣志明洪武二年縣丞潘

珪創建嘉靖十九年知縣劉大實二十七年知

縣傅思明萬曆三十五年知縣劉應詔增修

皇清順治十三年知縣范繩祖重修東西各設候館

左立澄清坊中三楹爲正堂左右抄案皂隸房

各三楹堂之後爲退思軒再後爲寢所

布政分司 在縣治西按縣志明洪武二年創

建

皇清順治十三年知縣范繩祖重修右立旬宣坊內

立三楹爲正堂左右抄案皂隸房各三楹後爲

退思軒再後爲寢所

理刑公署 在雙桂坊巷

按察分司 在書院巷按縣志萬曆初張居正

拜相命毀各處書院以籍羣議知縣劉一相奉

文改司中三楹爲正堂左右各有抄案皂隸房

堂之左爲茶亭後爲寢室五楹東西房各三楹南察院 在南關按縣志萬曆十三年知縣楊

應中改舊長平廵運所爲察院中三楹爲正堂堂之後爲詰政軒再左爲寢室五楹東西各三楹

醫學 在縣治前

陰陽學 在縣治前

僧會司 在金峰寺

道會司 在瑞雲觀

庫 在大堂東

獄 在六房西南

預備倉 按縣志弘治元年知縣柳牙建知縣

王準傅思明增修萬曆六年知縣劉一相重修

創建經國堂三楹在縣治內廩房共四十餘間

義倉 按縣志萬曆十四年知縣楊應中改小

書院爲義廩

社倉 在馬村社周纂社米山社義莊社換馬

社建寧社河西社丁壁社范店社野川社

南關公館

馬村鎮公館

換馬鎮公館

養濟院 在縣治內北隅

漏澤園 在東關

州志不載按縣志

飲泉堂 在大堂後

民隱堂 在大堂後

向日軒 在大堂後

主簿宅 在大堂右

桂香亭 在飲泉堂右